

FAATUATUA I LE ATUA M O T A M A



*“Ia latou iloa oe le Atua moni
e toatasi, atoa ma le ua
e auina mai o Iesu Keriso lea.”*

Ioane 17:3

O lou igoa o _____



O AU O SE ATALII O LE ATUA

*Ou te iloa e alofa le Tama Faalelagi ia te au,
ma ou te alofa foi ia te Ia.*

*E mafai ona ou tatalo i le Tama Faalelagi i
soo se taimi, i soo se mea.*

*O loo ou taumafai e manatua ma mulimuli
ia Iesu Keriso.*

Mo La Matou Uo Laitiiti Pele,

O oe o se atalii o le Atua. O Ia o lou Tama Faalelagi. E alofa ma popole o Ia mo oe. E finagalo o Ia ina ia e faatuatua ia te Ia ma tatalo atu ia te Ia e le aunoa—i soo taimi, i soo se mea.

Ua faamoemoe o Ia o le a e tausia ia feagaiga na e osia ina ua e papatiso, ma ia e mulimuli i aoaoga ma faataitaiga a Iesu Keriso. Ua Ia tuuina atu ia te oe le meaalofo o le Agaga Paia e taitaiina ai oe, o se aiga e alolofa ma aoaoina oe, ma ni taitai ma faiaoga o le Peraimeri e fesoasoani atu ia te oe.

Ua e sauniuni nei mo le mauaina o le Perisitua Arona. Ia faaoga nei tausaga e te aoao ai e uiga i le perisitua ma ia e agavaa ma saunia mo le mauaina.

Matou te fautuaina oe ina ia e aoao ma ola i le talalelei, auauna atu i isi, ma faaoga taleni ua tuuina atu e le Tama Faalelagi ia te oe e aoao ai ma faia ai mea lelei e tele. O lou mauaina o le Tau'i o le Faatuatua i le Atua ina ua uma ona e galue ai, o le a fesoasoani e avea ai oe ma le ituaiga o tagata e te manao ia e i ai, ma le ituaiga o tagata ua silafia e le Tama Faalelagi e mafai ona e oo i ai.

Matou te alolofa ia te oe ma tatalo foi mo oe.

O Le Au Peresitene Sili

O AU FEAGAIGA O LE PAPATISOGA

Ina ua papatisoina au, sa ou osia se feagaiga
e tauave i ou luga le suafa o Iesu Keriso
ma auauna atu ia te Ia ma ia usiusitai.

Ua tuuina mai e le Tama Faalelagi ia te au le Agaga Paia.

O le Togiola a Iesu Keriso, e mafai ai ona
faamagaloina au agasala pe a ou salamo.

Afai ou te tausia au feagaiga o le papatisoga,
o le a mafai ona ou toe foi atu e mafuta faatasi ma Ia.



Pe a ou ai ma inu i le faamanatuga, ou te faafouina
au feagaiga e tauave i ou luga le suafa o Iesu Keriso,
ia manatua pea o Ia, ma ia tausi i Ana poloaiga.
Pe a ou faia lenei mea, e mafai ona ou lagonaina
le taitaiina o au e le Agaga Paia.

(Tagai Mosaea 18:8–10 ma le MFF 20:37.)



O TULAGA E MANAOMIA MO LE TAU O LE FAATUATUA I LE ATUA

E mafai ona e amata galue i le Tau i o le Faatuatua i le Atua pe a atoa le valu o ou tausaga. Ina ia e maua le tau, e tataua ona e faamaeaina ia tulaga manaomia o loo i lenei tusi taiala ao lei oo i lou aso fanau e atoa i ai lou sefululua tausaga. E mafai ona fesoasoani atu ou matua ma taitai o le Peraimeri ia te oe i nei gaoioiga.

Tulaga Masani e Manaomia

O se vaega taua o le faatuatua i le Atua, o le tausia lea o au feagaiga o le papatisoga ma ia tumau i le malosi faaleagaga. Ina ia fesoasoani ia te oe e atiina ae le faatuatua ma tetee atu i faaososoga, ia fai mea nei o loo taua i lalo:


- Ia tatalo i aso taitasi i le Tama Faalelagi.
- Ia faitau soo i tusitusiga paia.
- Ia tausii poloaiga ma ia ola i “Ou Tulaga Faatalalelei” (tagai i le faavaa pito i tua).
- Ia e ava i ou matua ma ia e agalelei i lou aiga.
- Ia totogi au sefuluai ma ia auai i faatalanoaga faaiu o sefuluai.
- Ia e auai e le aunoa i sauniga faamanatuga ma le Peraimeri.

O Isi Tulaga e Manaomia

O le faia o gaoioiga nei o le a fesoasoani e faatuputeleina ai lou malamalama ma lau molimau i le talalelei:

- Ia tusi lau molimau.
- Ia tauloto ia Mataupu Faavae o le Faatuatua ma faamatala o latou uiga.
- Ia faataunuu ia gaoioiga o loo i totonu o le tusi taiala mo le:
 - Aoao ma Ola i le Talalelei (itulau 6)
 - Auauna Atu i Isi (itulau 8)
 - Atiinaae o Taleni (itulau 10)
 - Saunia mo le Perisitua (itulau 12)
- Ia faia se faatalanoaga ma se tasi o le au epikopo po o le au peresitene o le paranesi.

O loo tusia i lenei tusi taiala nisi o manatu mo gaoioiga mo le mauaina o le Tau i le Faatuatua i le Atua. E mafai foi ona e fuafuaina ma faia isi gaoioiga, ae fesoasoani i ai ou matua po o taitai o le Peraimeri. Ia faaoga le siata o loo i le itulau 20 e faamaumau ai au taumafaiga.



AOAO MA OLA I LE TALALELEI

*“Ia e aoao i le poto ina o e taulealea; ioe, a o e taulealea,
ia e aoao e tausī i poloaiga a le Atua.”*

Alema 37:35

Ia le itiiti ifo ma le lua ni gaioioiga mai nei gaioioiga, e maea ona fai i tausaga taitasi:

- Ia faamatala pe faapefea ona fesoasoani lou ‘ai ma inu i le faamanatuga e faafou ai au feagaiga o le papatisoga. A oo i se afiafi faaleaiga, ona e aoao atu lea i isi tagata ia mea e mafai ona tatou fai, tatou te tumau ai i le faamaoni.
- Ia e faia i se afiafi faaleaiga se lesona e uiga i le Uluai Faaaliga i a Iosefa Samita (tagai Talafaasolopito—Iosefa Samita 2:1–20). Ia talatalanoa pe faapefea ona tali mai le Tama Faalelagi ia tatou tatalo faamaoni.
- Ia faailoga fuaiupu nei e uiga i le Agaga Paia i au tusitusiga paia: Ioane 14:16–17, 2 Nifae 32:5, ma le Moronae 10:5. Ia talatalanoa i ni auala e fesoasoani ai le Agaga Paia ia te oe.
- Ia faitau se lauga o se konafesi lata mai nei na tuuina mai e le perofeta. Ia filifili pe o le a se mea e mafai ona e faia e mulimuli ai i le perofeta, ma ia faia loa.
- Ia faia se tatalo amata ma se tatalo faaii i le afiafi faaleaiga po o le Peraimeri foi. Ia faamatala atu ou lagona pe mafai faapefea e le tatalo ona puipuia i tatou ma fesoasoani tatou te mafuta vavalalata ai ma le Tama Faalelagi ma le Faaola.
- Ia faamatala se tala mai le Tusi a Mamona o loo aoao mai ai le faatuatua ia Iesu Keriso. Ia faamatala atu lau molimau e uiga i le Faaola.

- Faitau le MFF 89. Ia talanoaina pe faapefea ona faamanuia i tatou e le Tama Faalelagi pe a tatou faamaoni i le tausiga o le Upu o le Poto. Ia fesoasoani e fuafua ma taitai se gaoioiga e aoao atu ai le Upu o le Poto i isi.
- Ia saunia se pepa o le faasologa o le gafa e tusia ai lou igoa ma igoa o ou matua ma matua o ou matua. Ia saunia se tala faamaumau o le vaega faaleaiga mo lou aiga, ma ia faamatala atu se tala e uiga i lou aiga. Ia talanoaina pe faapefea ona faamanuiaina aiga pe a faataunuu ia galuega faalemalumalusa.
- Ia aoao le usuina o le “Filifili Tau o Mea Tonu” (Viiga, nu. 149). Ia faamatala atu le uiga o le saolotoga e filifili ai, ma le uiga o au lava filifiliga o lou tiute lea. Ia talanoaina pe na faapefea ona fesoasoani le faia o au filifiliga lelei, ua atiina ae ai le malosi o lou faatuatua.
- Ia fuafua ma faataunuu sa oe lava gaoioiga o le a fesoasoani ai ia te oe e aoao ma ola ai i le talalelei (tusi le gaoioiga i le pito i lalo).



AUAUNA ATU I ISI

“Faauta foi, ou te fai atu nei mea ia te outou ina ia outou aoao i le poto; ina ia outou iloa lenei mea, pe a i ai outou i le galuega a o outou uso ua na o na i ai outou i le galuega a le Atua.”

Mosaea 2:17

Ia le itiiti ifo ma le lua ni gaoioiga mai nei gaoioiga, e maea ona fai i tausaga taitasi:

- Ia faitau ma ia talatalanoa e uiga i le faataoto i le Samaria agalelei (tagai Luka 10:30–37). Ia fuafua ma ia faia se galuega alofa e fesoasoani atu ai i se tagata o le aiga po o se tuaoi. A uma ona faia lea galuega fesoasoani,



ona talanoaina lea pe faapefea ona fesoasoani lea tulaga ina ia tupu malosi ai lou faatuatua.

- Tusi se tusi i se faiaoga, o ou matua, o matua o ou matua, e tau atu ai ia i latou se mea e te faafetai ai ma faamamalu i latou.
- Ia fai se lisi o ni uiga lelei e te fiafia ai i se tagata. Ia filifili se uiga se tasi e te atiina ae ia te oe lava. Ia talanoaina pe faapefea ona faamalosia oe, o lou aiga, ma isi e ala i le faaali atu o le faaaloalo ma le agalelei.
- Ia fuafua, saunia ma laulau atu ni meaai paleni.
- Ia faafiafia ia tamaiti laiti i pese po o taaloga sa e aoaoina pe na faia lava e oe ia. Ia faaali atu e te iloa vaavaai ma tausī se tamaitiiti laitiiti.
- Ia aoao ma faataitai amioga tausaaafia ma le faaaloalo.
- Ia fuafua ma faia se gaoioiga mo se matua ma sana tama, e pei o se meaai i le afiafi, tafaoga, savaliga, faigamalaga i le ao, po o se galuega fesoasoani.
- Ia faitau le mataupu faavae lona sefululua o le faatuatua. Ia talanoaina le uiga o le avea ma se tagatanuu lelei ma pe mafai faapefea ona aafia isi i au mea e fai.
- Ia fesoasoani i ou taitai o le Peraimeri e fuafua ma faatau-nuu se gaoioiga mo se kuata o i luma.
- Ia fuafua ma faataunuu sa oe lava gaoioiga e auauna atu ai i isi (tusi le gaoioiga i le pito i lalo).

ATIINA AE O TALENI

*“Aua e le tuuina atu mea alofa uma ia te i latou taitoatasi;
aua e i ai mea alofa e tele, ae tuuina atu e le Agaga
o le Atua se mea alofa i tagata taitoatasi.”*

Mataupu Faavae ma Feagaiga 46:11

Ia le itiiti ifo ma le lua ni gaoioiga mai nei gaoioiga, e maea ona fai i tausaga taitasi:

- Ia aoao pe faapefea ona fuafua tatau le faaaogaina ma le teuina o tupe. Ia talanoaina pe aisea e taua ai le totogi ma le faamaoni o a tatou sefuluai ma pe faamanuiaina faapefea i tatou e le Tama Faalelagi pe a tatou faia lea mea (tagai 3 Nifae 24:10–11). Ia totogi au sefuluai ma amata loa ona teu au tupe mo se misiona.
- Ia aoao e pese, ta, pe taitai se pese mai le *Tusipese a Tamaiti*. Ia aoao pe fetufaai atu se pese i se afiafi faaleaiga po o le Peraimeri. Ia talanoaina pe fesoasoani faapefea le atiina ae o taleni e saunia ai i tatou e auauna atu i le Tama Faalelagi ma isi.
- Ia tusi se solo, tala, po o se tala faatino puupuu e aoao atu ai se mataupu faavae o le talalelei pe faatatau foi i foafoaga a le Tama Faalelagi.
- Fai se aitema mai se laau, uamea, ie po o se isi lava mea, pe tusi, vali, pe vane se ata. Ia faaali atu lau galuega ua maea i isi ia latou vaai i ai.
- Ia asiasi atu i se mataaga e faaali ai ata pe auai i se konaseti, tala faatino, po o isi faafiafiaga faaleaganuu. Ia faamatala atu ou lagona i lou aiga po o le tou vaega i le aso o gaoioiga.



- Faitau le MFF 88:118. Ia talanoaina le uiga o le “saili i le aoao, e faapea foi i le suesue ma le faatuatua.” Ia faalelei au aga masani mo le faiga o au suesuega e ala i le faia o mea e pei o le aoao e filifili ma faitau i tusi lelei po o le saunia mo le aoga i aso taitasi.
- Ia lisi ni mea se lima e mafai ona e faia e te fesoasoani ai i le fale. Ia talanoaina le taua o le ususitai ma le ava i ou matua ma le aoao ia iloa galue.
- Ia fuafua se polokalama faamalosi tino mo oe lava ia aofia ai le aoaoina o se taaloga. Ia auai i le faatinoina o lea polokalama mo se masina se tasi.
- Ia aoao le faiga ma ‘ai i mea taumafa paleni, o le ola maloloina, ma fai faalelei teuga, e aofia ai lavalava tala-feagai ae le taugata.
- Ia fuafua ma faataunuu sa oe lava gaoioiga o le a fesoasoani ia te oe e atiina ae ai au taleni (ia tusi le gaoioiga i le pito i lalo).

SAUNIA MO LE PERISITUA

“O le Perisitua o Arona . . . o se lala i le Perisitua Sili, po o le faaMekisateko, e i ai foi le mana e fai sauniga faaletino.”

Mataupu Faavae ma Feagaiga 107:13–14

Ia faamaea gaoioiga o loo i lalo pe a atoa lou 11 tau-saga. O le a fesoasoani nei mea ia te oe e te saunia ai mo le mauaina o le Perisitua Arona, ma avea ai ma se alii talavou amiotonu.

- Ia aoao e uiga i le toefuataiga o le Perisitua Arona (tagai MFF 13, 107:20, ma le Talafaasolopito—Iosefa Samita 2:68–73).
- Faitau le MFF 20:57–60 ma le *Perisitua Arona: Faataunuuina o lo Tatou Tiute i le Atua [Tiakono]*, itu-lau 7. Ia talanoaina faatasi ma se tasi o ou matua po o se taitai, ia faamoemoega o le Perisitua Arona ma le uiga o le faia o lou tiute i le Atua.
- Ia talanoa ma le au peresitene o le korama a le au tiakono e uiga i le galuega a le korama a tiakono. Tusi i le api o talaaga o lou olaga ia auala e mafai ai ona e auauna atu i le Alii i le avea ai ma se tasi o le korama a tiakono.
- Faitau le MFF 88:77–80, 118 ma le MFF 130:19. Ia talanoaina ma se tasi o ou matua po o se taitai o le Peraimeri, le taua tele o le lelei o au aoga, ma le ala e mafai ai ona fesoasoani [le lelei o au aoga] e faamalosia ai oe i lou umiaina o le perisitua i lou fale, o lou aiga, ma le Ekalesia.

- Ia faitau le “O Le Aiga: O se Folafolaga i le Lalolagi.” Fai se lisi o mea e mafai ona e faia e faamalosia ai lou aiga ma avea ai ma se aiga fiafia. Ia faamatala atu le lisi i ou matua ma le taitai o le Peraimeri.



O MATAUPU FAAVAE O LE FAATUATUA

O LE EKALEZIA A IESU KERISO O LE AU PAIA O ASO E GATA AI

1. MATOU TE TALITONU i le Atua, le Tama Faavavau, ma Lona Alo o Iesu Keriso, ma le Agasa Paia.
2. MATOU TE TALITONU e faasalaina tagata ona o a latou lava agasala, ae le o le agasala a Atamu.
3. MATOU TE TALITONU e faaalaina tagata uma lava i le togisala a Keriso, pe a tausia poloaiga ma sauniga o le Talalelei.
4. MATOU TE TALITONU o muai mataupu faavae ma sauniga o le Talalelei e faapea: muamua, o le Faatuatua i le Alii o Iesu Keriso; lona lua, o le Salamo; lona tolu, o le Papatisoia i le faatofuina mo le faamagaloina o agasala; lona fa, o le Faapee atu o lima e maua ai le mea foaifua o le Agasa Paia.
5. MATOU TE TALITONU e ao ina valaauina le tagata e le Atua, i le valoaga ma le faapee atu o lima, o e o i ai le pule, e talai atu ai le talalelei ma faia sauniga o i ai.
6. MATOU TE TALITONU i le faatula-gaga sa i ai i le Ekalesia Anamua, e i ai aposetolo, perofeta, epikopo, aoao, peteriaa, ma isi tofiga faapena.
7. MATOU TE TALITONU i mea foaifua e pei o le tautala i gagana, valoaga, faaaliga, faaaliga vaaia, faamaloloina o mai, faamatalaga o gagana ma isi mea faapena.
8. MATOU TE TALITONU o le Tusi Paia o le afioga a le Atua i mea uma ua tonu ona faaliliuina; matou te talitonu foi o le Tusi a Mamona o le afioga ia a le Atua.
9. MATOU TE TALITONU i mea uma lava ua faaalai mai e le Atua, ma mea uma o loo ia faaalai mai nei, ma matou te talitonu o le a Ia faaalai mai le tele o mea silisili ma le taua tau le Malo o le Atua.
10. MATOU TE TALITONU i le matua faapotopotoina o Isaraelu ma le toe foi mai o Ituaiiga e Sefulu; ma o le a faatuina Siona (o le Ieruselema Fou) i lenei konitineti o Amerika; ma o le a nofo tupu lava Keriso i le lalolagi; ma o le a faafouina le lalolagi ma maua lona mamalu faaparataiso.
11. MATOU TE TAUTINO atu e a matou le aia tatau matou te tapuai atu ai i le Atua Mamana e tusa ai ma o matou lava loto fuatiaifo, ma matou te tuuina atu foi lea lava aia tatau i tagata uma lava e faitalia i latou, pe faapefea, po o fea, po o le a foi latou te tapuai atu i ai.
12. MATOU TE TALITONU i le usiuisitai i tupu, ma peresitene, ma faipule, ma faamasino, i le usiuisitai ma faamamalu ma lagolagoina le tulafono.
13. MATOU TE TALITONU ia faamaoni, amiotonu, nofo mama, agalelei, amio mama, ma le faia o mea lelei i tagata uma; e moni, matou te faapea atu, matou te tausisi i apoapoaiiga a Paulo—Matou te talitonu i mea uma, matou te faamoemoe i mea uma, ua uma ona matou onosai i mea e tele, ma matou te faamoemoe o le a mafai ona matou onosai i mea uma. Afai o i ai nisi mea mama, logoleleia, ma tauleleia, matou te saili ia mea uma.

IOSEFA SAMITA

FAAMATALAGA MO MATUA MA TAITAI

Ua i ai i matua le tiutetauave o le fesoasoani atu i a latou fanau e aoao ina ia iloa ma ola i le talalelei. E fesoasoani taitai o le Peraimeri ma faiaoga i matua i lenei tiutetauave taua. O lenei tusi taiala o le Faatuatua i le Atua, o se punaoa e fesoasoani ai i tama ma teine ia faataunuaina mea uma latou te mafaia, o i latou o fanau a le Atua.

FAAMOEMOEGA

O le faamoemoega o tusi taiala o le Faatuatua i le Atua, ia fesoasoani i tama ma teine e tai 8 tausaga e oo i le 11 tausaga ina ia ola i mataupu faavae o le talalelei, ia atiina ae molimau, ia fausia uiga faaleuo, ma saunia ai mo le mauaina o le Perisitua Arona po o le avea foi ma se tamaitai talavou amiotonu. O tamaiti e maea tulaga manaomia o loo i totonu o le tusi taiala, e mafai ona latou maua le Tauai o le Faatuatua i le Atua.

O LE ALA E FAAGAOIOI AI LE POLOKALAMA

E auai tamaiti i le faatinoina o gaoioiga e fesoasoani ai latou te atiina ae amioga faaletalalelei e pei o le tatalo, faitauina o tusitusiga paia, ma le ola i “Ou Tulaga Faatalalelei” (tagai itulau pito i tua). Latou te auai foi i le faatinoina o gaoioiga eseese i vaega nei: (1) aoao ma ola i le talalelei, (2) auauna atu i isi, (3) atiina ae o taleni, ma le (4) saunia mo le perisitua pe mo Tamaitai Talavou.

O gaoioiga mo le polokalama ua ootoina atu i tusi taiala e lua: *Faatuatua i le Atua mo Tama* ma le *Faatuatua i le Atua mo Teine*. E mafai ona galulue tamaiti i gaoioiga i le fale, faatasi ma o latou aiga, po o aso o gaoioiga a le Peraimeri (tagai itulau 18).

ASO O GAOIOIGA A LE PERAIMERI

O aso o gaoioiga a le Peraimeri ua faamoemoe e tuuina atu ai ni avanoa i tama ma teine ua tai 8 tausaga e oo i le 11 tausaga e galulue ai i gaoioiga o loo i le polokalama o le Faatuatua i le

Atua. O aso o gaoioiga e masani ona faia faalua i le masina i se fale po o le falelotu foi. O le alauni paketi a le uarota e tatau ona totogiina ai mea e faaoga mo aso o gaoioiga a le Peraimeri. O aso o gaoioiga e tatau ona amata ma faaiu foi i se tatalo. E faalagolago i manaoga ma tulaga o le uarota po o le paranesi, ae e mafai lava ona faia se aso o gaoioiga i le taimi e tasi lea e faia ai isi gaoioiga faale-Ekalesia sei vagana ai Aso Sa.

E i ai nisi taimi, atonu e mananao ai taitai e valaaulia tamaiti laiti e auai faatasi ma tamaiti e tai 8 tausaga e oo i le 11 tausaga i se aso o gaoioiga. E le tatau ona sili atu ma le faatasi i le kuata ona faia lea mea. O aso o gaoioiga e aofia ai tamaiti uma, e fuafua e le au peresitene o le Peraimeri. E mafai ona faaoga le tele o manatu o loo i lenei tusi taiala e fuafua ai nei aso o gaoioiga. E mafai ona valaaulia e le au peresitene ia le taitai o aso o gaoioiga ma tamaiti e tai 8 tausaga e oo i le 11 tausaga, e fesoasoani i le fuafuaina ma le faataunuaina o le gaoioiga.

TAITAI O LE PERAIMERI MA FAIAOGA

I lalo o le taitaiga a le au peresitene o le Peraimeri, e avea ai se faiaoga o le Peraimeri po o se isi tagata matua agavaa e avea ma taitai o le aso o gaoioiga. O aso o gaoioiga mo teine e tatau ona taitaia e se tamaitai matua. Pe a fuafua ia gaoioiga, e tatau i taitai ona faaoga aitia mai le tusi taiala lenei, o “Ou Tulaga Faatalalelei,” [vaega a tamaiti i le Liahona] o le *Uo*, ma tamaiti lava latou. E mafai foi ona valaaulia ia matua ma isi o i ai ni tomai faapitoa e fesoasoani i ai.

E mafai ona fesoasoani ia matua i o latou atalii ma afafine i le faataunuaina o gaoioiga o loo i totonu o tusi taiala, ae maise lava i nofoaga e faigata ai ona potopoto faatasi tamaiti mo aso o gaoioiga a le Peraimeri.

MUAI VAAIGA O LE PERISITUA

O tausaga taitasi uma, e fono ai le au epikopo ma tama ua tai 11 tausaga ma o latou matua, e fesoasoani ai ia i latou ia malamalama i le taua o le perisitua, ma faamalositia ai a latou tautinoga e saunia mo le mauaina o le perisitua. E auai foi le au peresitene o le Peraimeri i lea fonotaga.

FAAMALAMALAMAINA MA LE FAAILOAINA ATU

Pe a aulia le valu tausaga o se tama po o se teine, ona tuuina atu lea e se tasi o le au peresitene o le Peraimeri ma le taitai o aso o gaoioiga i le tamaitiiti ma ona matua se kopi o le tusi taiala ma faamalamalama i ai le faamoemoega o aso o gaoioiga ma le ala e maua ai le Tau i le Faatuatua i le Atua.

O le faailoaina po o le aloaiaina o mea ua ausia, e tatau ona faifai pea e pei ona taua i lalo:

1. Pe a faamaeaina e tamaiti a latou gaoioiga, e mafai ona latou faamaumauina a latou taumafaiga e ala i le makaina o le siata o loo i le itulau 20 o lenei tusi taiala.
2. A itiiti o le faalua i le tausaga, e tatau ai ona aofia i aso o gaoioiga a le Peraimeri ni avanoa mo tamaiti e fetufaa mai ai mea ua latou aaoaina ma ausia.
3. Pe afai e maea uma ia gaoioiga e tatau ona faataunuaina, ona saina lea e le au peresitene o le Peraimeri ma le epikopo po o le peresitene o le paranesi le tusi faamaonia o le Tau i le Faatuatua i le Atua o loo i le itulau mulimuli o lenei tusi taiala. E tauaoina atu e se tasi o le au epikopo, au peresitene o le paranesi, po o le au peresitene o le Peraimeri tusi faamaonia ua ausia e le tamaitiiti, i totonu o le Peraimeri.

E tatau i matua ma taitai ona fesoasoani i tamaiti ia latou malamalama o le fiafia i le ola ai i le talalelei, o le tau i aupito sili lea ona taua.



FAAMAUMAUGA O MEA UA AUSIA O LE FAATUATUA I LE ATUA

Faaaoaga le itulau lenei e faamaumau ai au taumafaiga i le agai atu i le mauaina o le Tau'i o le Faatuatua i le Atua. O taimi uma lava e maea ai sau gaoioiga, ia maka se pusa se tasi i lalo o le autu sao. Afai ua maea ona e faia uma mea e manaomia, ia oulua toe iloilo ina faatasi ma lou taitai au gaoioiga ma mea ua e aoaoina.

AOAO MA OLA I LE TALALELEI

AUAUNA ATU I ISI

ATIINA AE O TALENI

SAUNIA MO LE PERISITUA

MATAUPU FAAVAE O LE FAATUATUA

UA OU TUSIA LAU MOLIMAU.

SA FAATALANOAINA AU E SE TASI O LE AU EPIKOPO PO O LE AU PERESITENE O LE PARANESI I LE ASO _____ .

TAUI O LE FAATUATUA I LE ATUA

O _____

Igoa o le tamaititi

ua maea ona ia faataunuuina tulaga manaomia e tatau ai mo le mauaina o le Tau i le Faatuatua i le Atua mai Le Ekalesia a Iesu Keriso o le Au Paia o Aso e Gata Ai.

Saini a le peresitene o le Peraimeri

Aso

Ua ia saunia ia lava ina ia faauuina i le tofi o le tiakono i le Perisitua Arona.

Saini a le epikopo po o le peresitene o le paranesi

Aso

O OU TULAGA FAATALALELEI

- O le a ou mulimuli i le fuafuaga a le Tama Faalelagi mo au.
- O le a ou manatuaina au feagaiga o le papatisoga ma faalogo i le Agaga Paia.
- O le a ou filifili le mea sa'o. Ou te iloa e mafai ona ou salamo pe a ou sese.
- O le a ou faamaoni i le Tama Faalelagi, o isi, ma au lava.
- O le a ou faaaogaina ma le faaloalo suafa o le Tama Faalelagi ma Iesu Keriso. O le a ou le palauvale pe faaoga upu masoa.
- O le a ou faia i le Sapati mea o le a fesoasoani ai ia te au ou te lagona ai le latalata i le Tama Faalelagi ma Iesu Keriso.
- O le a ou ava i ou matua ma faia lo'u tiute e faamalosi lo'u aiga.
- O le a ou tausia lou mafaufau ma le tino ia paia ma mama, ma o le a ou le tagofia lava mea e faaleagaina ai au.
- O le a fai lelei ou lavalava ia tusaafia e faaalua ai lou faaloalo i le Tama Faalelagi ma au lava.
- O le a ou faitau ma matamata na o mea lava e fiafia i ai le Tama Faalelagi.
- O le a ou faalogologo na o musika e fiafia i ai le Tama Faalelagi.
- O le a ou sailia uo lelei ma agalelei atu i isi.
- O le a ou ola nei ia agavaa e alu i le malumalu ma fai le mea e tatau ona ou fai ina ia maua ai se aiga e faavavau.

O LE EKALESI A
IESU KERISO
O LE AU PAIA O ASO
E GATA AI

SAMOAN



4 02368 12890 5
36812 890